

Nunatta Karsiata 2023-mi naatsorsuutai pillugit Kukkuersiuihermut Ataatsimiititaliap apeqqutaasa akissutai

Imai

| | |
|--|---|
| Kukkuersiuisup oqaaseqaataa kukkuersiuisumit saqqummiunneqartoq tak. kukkuersiuisup oqaaseqaatai | 2 |
| Kukkuersiuisup oqaaseqaatai 2023 | 2 |
| Kukkuersiuisut ukiut siuliini oqaaseqaataannut malitseqartitsineq | 2 |
| Suliffeqarfiit namminersortitat pillugit Kukkuersiuisup oqaaseqaatai 2023 | 6 |

Kukkunersiuisup oqaaseqaataa kukkunersiuisumit saqqummiunneqartoq tak. kukkunersiuisup oqaaseqaatai

Kukkunersiuisup oqaaseqaatai 2023

Kukkunersiuisut ukiut siuliini oqaaseqaataannut malitseqartitsineq

| |
|--|
| Kukkunersiuisut oqaaseqaataat 2013-04 |
| Suliffeqarfiup iluani nakkutilliinermi akissarsiat tamakkiisut allattorsimaffiinik suliaqartarnerup pingaarutaanik erseqqissaaneq |
| Akissut: Aningaasaqarnermut Sulisoqarnermullu Aqutsisoqarfiup immikkoortortaqaarfiini siunnersueqqiisoqareerneratigut akissarsiat ilanngaaserneqanngitsut allattorsimaffiannut pitsanngorsaaniarluni suliniuteqartoqarpoq. Inussuk IT pisortat IT-imik aqqissuussaananik suliaqartartoq aqqutigalugu akissarsiat ilanngaaserneqanngitsut allattorsimaffiat aqqissuussaq aningaasarsialerussutip nutarteratigut atulersinneqassaaq. Inussuk IT-ip aqqissuusap nutarterneqarneri, matumani aningaasarsialerussut sulii kinguaatooqqusut ilisimatitsissutigai. Nakkutilliinerup paasiuminartuunissaanik pitsanngorsaaniarneq anguniarlugu Deloitte akissarsiat ilanngaaserneqanngitsut allattorsimaffianni akuerisat takunnissaannut tamakku pitillugit pitsanngorsarpai. |

| |
|---|
| Kukkunersiuisut oqaaseqaataat 2020-01 |
| Pisortat suliffeqarfiutaannut allanut (ingerlatseqatigiiffiit namminersortitat, ingerlatseqatigiiffiit Namminersorlutik Oqartussanit pigineqartut kiisalu kommunit) akiligassanik naligiissitsisarneq |
| Akissut: Akiitsulinnut aamma akiligassaqaqarfinnut allaffik 1. maj 2023-miit marlungorlugu avinneqarpoq, tamaaliornermilu suliaasaqarfiup aqunneqarneranik nukittorsaanissaq qulakkeerneqarpoq. Kukkunersiuisup suliffeqarfiup avataaneersup maluginiarpaa, 2023-mi immikkoortortaqaarfiit assigiinngitsut isertitanik aningaasartuutinillu naatsorsuusiornermi naleqqussaanermik qulakkeerinniarneq assut qulakkeerniartaraat, ullormit 31.12.-mit akiligassanik naligiissaarineq ilanngullugu. |

Taamatut suliaqarnermi illua tungiliuttut suliamut tassunga pingaarnersiineri aamma apeqqutaasartut kukkunersiuisup suliffeqarfiup avataaneersup aamma maluginiarpaa. Ulloq 31.12. suli akiligassaqartoqarpoq, matumani Kommune Kujalleq akiligassaqarluni.

Qitiusumik Naatsorsuuseriffiup 2024-mi nangilluni suliassaqarfik sakkortusisamik sammerusuppaa.

Kukkunersiuisut oqaaseqaataat 2021-02

Qarasaasialerinerimik atuisut isersinnaanerinik aqutsineq

Akissut:

Suleriaaseq imaappoq; immikkoortortaqaarfiit atorfinitisit atuisunik pilersitsisoqarnissaanik atorunnaarsitsisoqarnissaanillu noqqaassuteqarneri naapertorlugit Digitalinngorsaanerimik aqutsisoqarfiup IT-mik immikkoortortaqaarfia suliaqartarpoq. Immikkoortut immersugassamik immersuissapput IT-mullu immikkoortortamut atuisunngortitsineq kiisalu atorunnaarsitsineq pillugit nalunaarutiginninneq nassiussissapput. Atuisutut ilisarnaatit aamma ataatsimoorullugu aaqqissuussanut isertaatit: Outlook, Teams, F2 assigisaallu.

Aningaasaqarnermut akileraartarnermullu atortorissaarutinik atuinerit suliassaqartunit aqutarineqarput tamannalu Digitaliseeriinermut Aqutsisoqarfimmiit akineqarsinnaanngilaq.

ISO 27001 atulersinneqaleruttorpoq tamatumalu kingunerisaanik nakkutilleeriaatsinut suleriaatsinullu arlallit aalajangersassavai, nalorninartoqarsinnaaneranik nalilersuineq, isumannaallisaanermut malittarisassat suleriaatsillu pilersinneqarneri, isersinnaatitaanermut aqutsinerit, Isumannaallisaanermut pisunik aqutsinerit aamma akuttunngitsumik nakkutilliinerit aamma paasisutissat isumannaatsuunissaannik kukkunersiunerit ilaatigut sulinerit tassunga ilaapput.

Kukkunersiuisut oqaaseqaataat 2021-03

Pisiortorfinnut akiitsunik aningaaserivimmiitanillu naligiissarineq

Akissut:

Kukkunersiuisup suliffeqarfiup avataaneersup aningaasanik tigoriaannarnik naligiissarinissaq pillugu kukkunersiuisut oqaaseqaataanik matusivoq.

Kukkunersiuisartup suliffeqarfiup avataaneersup innersuutigaa akiitsoqarfigisanut naligiissarinermik suliaqartoqassasoq aamma akiitsut suli ammasinnaasut pillugit siunissami sukannernerusumik qulaajaasoqartassasoq, taamaalilluni qaammatit tamaasa pisiortorfiit pingaarnarit qulit

naligiissaariffigineqartarnissaat sammineqarsinnaalissaaq aamma naligiissaarinninnerit nakkutigineqarsinnaalissapput.

Qitiusumik Naatsorsuuserivik suliniummik upernaami aallartitsivoq, tassani Nakkutilliisoqarfiup immikkoortortaqrifiata Akiligassaqrifik pisiortorfiit akiligassaannik naligiissaarfiginissaanik ikiortassavai. Nakkutilliisoqarfiup immikkoortortaqrifiata malunnaatillit aamma peratarsinnaasut naligiissarneqarnissaannik sulinerit pilersarusiussavai.

Naalackersuisut kukknersiuisup suliffeqarfiup avataaneersup aningaasanik tigeriaannarnik naligiissarinissaq pillugu kukknersiuisut oqaaseqaataanik matusinera naammaginantippaat. Aamma Naalackersuisut Qitiusumik Naatsorsuuseriviup pisiortorfiit naligiissarneqarnerinik sukannernerusumik suliniuteqarniarnera naammagisimaarpaat.

Kukknersiuisup oqaaseqaataa 2022-01

ESU-mi BSU-milu taarsigassarsianik aqutsineq

Akissut:

Nutaamik taarsigassarsinermut ataqtigiissumik aqqissuussamik pissarsiniarluni 2022-mi piareersarnermi unaminartut arlallit Qitiusumik Naatsorsuuseriffiup paasisimasai kukknersiuisup suliffeqarfiup avataaneersup oqaaseqaatimini tunngavigai. Taarsigassarsinermut suliaasaqrifiup maannamut ingerlanniarnerni ajornartorsiutit assigiinngitsut unammilligassanut ilaapput.

Taarsigassarsianik nalunaarsuinermit paasissutissanik qarasaasiakkut sullissinerup naliliiffiginissaa pingaaruteqartoq aamma taarsigassarsinermut ataqtigiissumik aqqissuussami attartukkat nalunaarsorneqarneranni malitseqartitsineq aqqissuussaannerusoq atuutilersinneqartariaqartoq kukknersiuisup suliffeqarfiup avataaneersup uparuarpai.

Taarsigassarsianik nalunaarsuinermit paasissutissanik qarasaasiakkut sullissinerup naliliiffiginissaa pisariaqartinneqartoq aamma taarsigassarsinermut ataqtigiissumik aqqissuussami taarsigassarsiat nalunaarsorneqarneranni malitseqartitsineq aqqissuussaannerusoq atuutilersinneqartariaqartoq Qitiusumik Naatsorsuuseriffik isumaqataavoq. Taarsigassarsinermut immikkoortup nutaap ineriartortinneranik atuutilersinneqarneranillu suliaqarnerit matumuuna suliniummut ilanngunneqassapput. Taarsigassarsinermut immikkoortup nutaap ineriartortinnerata ingerlaqqinnissaanut 2023-mi Aningaasaqarnermut Akileraartarnermullu Ataatsimiititaliami ilassutitut aningaasaliissutit aqutugalugit 1,5 mio. koruuninik suliniummut aningaasaliisoqarpoq. Taarsigassarsinermut immikkoortup nutaap nalunaarsuiffiliorneranut piumasaqaat 2023-p ukiup affaa sülleq pingaarnertut sammillugu suliarineqarpoq kiisalu maannakkut taarsigassarsinermut immikkoortumi paasissutissat paasissutissartai nutarterneqarlutik. 2023-mi aasaanerani taarsigassarsinermut immikkoortup nutaap inaasarlugu ineriartortinnissaanut atuutilersinnissaanullu suliariumannittussarsiuussisoqarpoq. Massakkuugallartoq suli suliariumannittussarsiuussinermi

neqeroorutunik tiguisoqarsimangilaq. Namminersorlutik Oqartussat piumasaqaataanik pisariaqartitaasalu piginnaanngorsaanernik naammassinnittumik atortumik nalinginnaasumik pisisoqarnissaannik kiisalu tulluarsarneqarnissaannik atuutilersinneqalernissaanullu ilassutitut 2023-mi 5,0 mio. koruuninik Aningaasaqarnermut Akileraartarnermullu Ataatsimiititaliamit aningaasaliissoqarnikuuvoq. Qitiusumik Naatsorsuusserivimmit Namminersorlutik Oqartussani taarsigassarsinermi taarsigassarsinermilu allaffissornermi suliassa qarfiit tamarmik misissueqqissaarfigineqarlutik 2024-mi upernaakkut aallartinneqarnikuupput. Taarsigassarsinermut immikkoortup nutaap 2024-mi atuutilersinneqalernissaa ingerlanneqalernissaalu suli ilimasuutigineqarpoq.

Kukkunersiuusup oqaaseqaataa 2022-02

Inunnut inatsisinik tungaveqarluni nuussinernut kommunit aningaasartuutaannik utertitsinermut aningaasartuutunik piffissanut agguataarineq

Akissut:

Kukkunersiuusup suliffeqarfiup avataaneersup 2023-mut immikkoortoq matuaa. Kukkunersiuusut 2023-mut naatsorsuutit saqummiunneqarnerini Aningaasaqarnermut Sulisoqarnermullu Aqutsisoqarfimmit tamatumingga nakkutigininnerulerluni nalunaarnera malugaa. Piffissami 2023/2024-mi assinganik unamminartoqarneranik naammattuuisoqanngilaq.

Piffissami 2023/2024-mi unamminartoqannginera Naalakkersuisut naammagisimaarpat.

Kukkunersiuusut oqaaseqaataat 2022-03

Covid 19-mut atatillugu aningaasartuutit naatsorsorneri kukkunersiornerilu

Akissut:

Kukkunersiuusartup suliffeqarfiup avataaneersup 2023-mut immikkoortoq matuaa. Kukkunersiuusut suliaqarfik pillugu nalunaarussiaq tiguaa misissorlugulu, tassungalu oqaaseqaatissaqanngilaq.

Naalakkersuisut 2023-mut kukkunersiuusutut oqaaseqaatit matuneqarsimaneri naammagisimaarpat.

Suliffeqarfiit namminersortitat pillugit Kukkuersiuisup oqaaseqaatai 2023

Kukkuersiuisut oqaaseqaataat 2023 Nukissiorfiit

Akissut:

Ukiumut kukkuersiuiineq kukkuersiuisup oqaaseqaateqarnissaanut pissutissaqartitsingilaq.

Kukkuersiuisut oqaaseqaataat 2023 Asiaq

Akissut:

Ukiumut kukkuersiuiineq kukkuersiuisup oqaaseqaateqarnissaanut pissutissaqartitsingilaq.